

**Naaja H. Nathanielsen**  
**Attavitsoq / Løsgænger**

Nuuk, den 4. juli, 2016

Inatsisartut suleriaasianni § 37 naapertorlugu Naalakkersuisut imak apeqquteqarfigaakka:

**Qaqugu inunnik akiitsoqartunik siunnersuisoqarfimmik pillugu nalunaarusiaq 2015-imi ukiakkut Inatsisartut ataatsimiinneranni oqaluuserisaaq 96 aalajangiiffigineqartoq naammassineqassava?**

(Inatsisartuni ilaasortat, Naaja H. Nathanielsen, løsgænger)

**S**  
**Tunngavilersuut:**

2015-imi ukiakkut ataatsimiinnermi siunnersuutiga imak oqasertaqartoq akuerineqarpoq:

”Siunnersuisoqarfimmik inunnik akiitsoqartunik siunnersuisinnaasumik ikiuisinnaasumillu pilersitsinissamut periarfissat pillugit nalunaarusiornissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Siunertaasussaaq tassaavoq akiitsut annikillisarluarlugit immikkut ilisimasallit ikiortigalugit akiitsoqartunik akeqanngitsumik siunnersuisarnissaq. Nalunaarummi taamatut siunnersuisoqarfimmi suliassat suuneri aammalu immikkut ilisimasallit tassunga iluaqutigineqarsinnaanersut nassuiarneqassapput, kiisalu taamatut siunnersuisoqarfiliorerup ingerlanneqarnera Landskarsimut qanoq ukiumut akeqarumaarnersoq. Nalunaarusiaq 2016-imi ukiakkut ataatsimiinnissaq sioqqullugu naammassereerneqarsimassaaq”.

Qaqugu nalunaarusiaq naammassineqassangatinneqarnera paaserusuppara.

Ullut qulit suliffiusut qaangiutsinnagu akineqarnissara piumasaraara.